

BOSNA I HERCEGOVINA
REPUBLIKA SRPSKA
OSNOVNI SUD U MODRIČI
Broj: 086-0-Su-20-000 325
Modriča, 05.05.2020. godine

Na osnovu člana 48. stav 2. Zakona o sudovima Republike Srpske („Službeni glasnik RS“ broj 37/12,44/15 i 100/17), člana 8. Pravilnika o unutrašnjem sudskom poslovanju („Službeni glasnik RS“ br.9/14,71/17,67/18 i 6/19), Odluke Visokog sudskog i tužilačkog Vijeća Bosne i Hercegovine broj 08-02-2-1020-55/2020 od 30.04.2020. godine i Obavještenja Ministarstva pravde Republike Srpske broj 08.020/052-2424/20-10 od 29.04.2020. godine predsjednik Osnovnog suda u Modriči donosi:

ODLUKU

o liberalizaciji mjera vezano za organizaciju rada u Osnovnom sudu u Modriči za vrijeme trajanja vanredne okolnosti uzrokovane virusom COVID 19 (korona virus) u Bosni i Hercegovini

I

Ovom odlukom stavljaju se van snage: Odluka o organizaciji rada za vrijeme trajanja vanredne situacije uzrokovane pojavom širenja COVID 19 (Corona) virusa broj 086-0 Su -20 000 294 od 23.03.2020.godine (što podrazumijeva i sve izmjene i dopune ove odluke) i Spisak zaposlenih o rasporedu rada i dežurstva u Osnovnom sudu u Modriči za vrijeme trajanja vanredne situacije uzrokovane pojavom širenja COVID 19 (Corona) virusa broj 086-0-Su-20-000-294 od 23.03.2020.godine(što podrazumijeva i sve izmjene i dopune Spiska).

II

Nastavlja se održavanje ročišta počev od 20.05.2020.godine pa nadalje, rukovodeći se kriterijima:

- hitnosti predmeta,
- starosti predmeta,
- te broju učesnika u postupku.

Ročišta će se održavati u prostorijama u kojima je moguće obezbjediti adekvatnu socijalnu distancu svih prisutnih.

III

Svi zaposleni dužni su dolaziti na posao počev od 07.05.2020.godine u radnom vremenu od 7,00 do 15,00 časova.

IV

Od 11.05.2020.godine prijem i otprema pismena će se vršiti neposrednim prijemom od stranaka ili neposrednom dostavom strankama kao i putem pošte.

V

Svima koji ulaze u sud (zaposlenim, strankama, učesnicima u postupku i dr.), dežurni sudski policajac ili zato određeni zaposlenik ovoga suda će izmjeriti temperaturu bez kontaktnim toplomjerom, te ukoliko utvrdi povišenu temperaturu, neće toj osobi dozvoliti ulazak u sud.

Svi koji ulaze u sud (zaposleni, stranke, učesnici u postupku i dr.) dužni su prilikom ulaska dezinficirati obuću i ruke, a za vrijeme boravka u sudu koristiti rukavice, zaštitnu masku, a radnici pisarnice i portir vizire, te se pridržavati propisane distance od 2 metra.

Zaposlenik ovoga suda, koji za to bude određen, će usmjeravati stranke, učesnike u postupku i dr. na mjesto gdje će boraviti dok ne budu prozvani da uđu u pisarnicu ili u prostoriju gdje se održava ročište. Isti će kontrolisati da li se poštuje propisana distanca kao i nošenje maski i rukavica.

VI

Zaposleni u ovome sudu neće napuštati zgradu suda za vrijeme pauze za doručak, ukoliko to nije neophodno.

VII

Komunikacija unutar suda će se obavljati telefonom i elektronskim putem, umjesto neposrednim kontaktom.

VIII

I dalje se obustavlja upućivanje na izdržavanje kazne lica kojima je izrečena kazna zatvora u prekršajnom postupku, a takođe i posjete pritvorenim licima koja su upućena u pritvorske jedinice kazneno – popravnih ustanova za članove njihovih porodica, osim za posjete branilaca pritvorenih lica.

IX

Odluka stupa na snagu dana 07.05.2020. godine i važi do drugačije odluke predsjednika suda.



Dostavljeno:

1. Svim zaposlenim,
2. Visokom sudskom i tužilačkom savjetu BiH
3. Ministarstvu pravde RS
4. Advokatskoj komori RS i F BiH
5. Web stranica suda
6. Oglasna tabla suda
7. Su arhiva.